

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE
- Komisija za statutarna
pitanja i propise -
Broj: 01-109/12
Vareš, 23.05. 2012. godine



Na osnovu člana 14. Odluke o općinskim priznanjima i postupku njihove dodjele, br. 01-77/12 od 29.03. 2012. godine, Komisija za statutarna pitanja i propise, o b j a v l j u j e

JAVNI POZIV

za predlaganje kandidata za dodjelu općinskih priznanja

Pozivaju se: građani, političke stranke, vjerske zajednice, udruženja građana, savjeti mjesnih zajednica, privredna društva, naučne, kulturne, obrazovne, sportske i druge institucije i javne ustanove sa sjedištem na području općine Vareš, vijećnici Općinskog vijeća Vareš i Općinski načelnik da podnesu prijedloge za dodjelu općinskih priznanja općine Vareš.

Općinska priznanja za koja se mogu podnositi prijedlozi su:

- 1. Plaketa s grbom Općine Vareš,**
- 2. Plaketa Općine Vareš za životno djelo,**
- 3. Povelja o proglašenju počasnim građaninom/građankom općine Vareš.**

1. PLAKETA S GRBOM OPĆINE VAREŠ

Plaketa s grbom Općine Vareš je najviše priznanje, koje se može dodijeliti zaslužnim pojedincima i pravnim licima, i to:

- za izvanredne uspjehe i izuzetna postignuća u radu ili poslovanju,
- za razvoj i unapređenje kvaliteta življenja i očuvanja okoliša na području općine Vareš,
- za razvoj i promicanje demokratskih principa i ljudskih prava i sloboda,
- za promicanje ugleda općine Vareš u zemlji i inostranstvu,
- prilikom godišnjica pravnih lica.

Plaketa s grbom Općine Vareš može se dodijeliti i partnerskim općinama, međunarodnim organizacijama i organizacijama iz drugih država.

Uz Plaketu s grbom Općine Vareš dodjeljuje se i novčana nagrada pojedincima i neprofitabilnim pravnim licima.

Plaketa s grbom Općine Vareš može se izuzetno dodijeliti i posmrtno, ali tek nakon što proteknu tri godine od smrti pojedinca kojeg se želi kandidovati za dodjelu ovog priznanja.

Kao kandidati za posmrtno dodjeljivanje priznanja mogu se predlagati pojedinci umrli nakon 01. januara/siječnja 2002. godine.

Posmrtno dodijeljena priznanja ne prati novčana nagrada.

2. PLAKETA OPĆINE VAREŠ ZA ŽIVOTNO DJELO

Plaketa Općine Vareš za životno djelo može se dodijeliti pojedincima koji su u svom radu i djelovanju postigli izuzetne rezultate od opće društvene vrijednosti ili koji su značajno doprinijeli razvoju i afirmaciji općine Vareš na privrednom, naučnom, kulturnom, sportskom, humanitarnom ili drugom planu.

Uz Plaketu Općine Vareš za životno djelo dodjeljuje se i novčana nagrada.

Plaketa Općine Vareš za životno djelo može se dodijeliti i grupi pojedinaca, ako je određeno ostvarenje odnosno postignuće rezultat njihovog zajedničkog rada. U tom slučaju, svakom pojedincu pripada srazmjerni dio novčane nagrade.

Pod životnim djelom podrazumijeva se cjelovito djelo ili opus koji je pojedinac ostvario tokom svog radnog vijeka ili koje predstavlja izuzetno vrijedan rezultat.

Plaketa Općine Vareš za životno djelo može se izuzetno dodijeliti i posmrtno, ali tek nakon što proteknu tri godine od smrti pojedinca kojeg se želi kandidirati za dodjelu ovog priznanja.

Kao kandidati za posmrtno dodjeljivanje priznanja mogu se predlagati pojedinci umrli nakon 01. januara/siječnja 2002. godine.

Posmrtno dodijeljena priznanja ne prati novčana nagrada.

3. POVELJA O PROGLAŠENJU POČASNIM GRAĐANINOM/GRAĐANKOM OPĆINE VAREŠ

Povelja o proglašenju počasnim građaninom/gradžankom Općine Vareš može se dodijeliti državljaninu Bosne i Hercegovine ili stranom državljaninu koji je svojim zalaganjem doprinio afirmaciji i dobrobiti općine Vareš ili razvoju i promicanju demokratskih principa i zaštiti ljudskih prava i sloboda.

Počasnim građaninom/gradžankom Općine Vareš ne može biti proglašen pojedinac koji ima prebivalište na području općine Vareš.

Počasni građanin/gradžanka ne stiče posebna prava odnosno obaveze.

Ako se pojedinac koji je proglašen počasnim građaninom/gradžankom Općine Vareš pokaže nedostojnim takve počasti, Općinsko vijeće Vareš može opozvati dodijeljeno priznanje.

KRITERIJI ZA DODJELU OPĆINSKIH PRIZNANJA

Kriteriji za dodjelu Plakete s grbom Općine Vareš i Plakete Općine Vareš za životno djelo su:

a) za pojedince:

- postizanje značajnih rezultata u oblasti nauke, obrazovanja, zdravstva, socijalne zaštite, kulture, sporta, amaterskog stvaralaštva i drugih društvenih djelatnosti ili najboljih rezultata u teorijskom i praktičnom radu na pojedinom području javnog djelovanja,
- doprinošenje unapređenju radnih procesa kreativnim radom ili inovacijama,
- dobivanje međunarodnih priznanja za vlastite inovacije,
- objavljivanje, prikazivanje, izlaganje, izvođenje ili prezentiranje na neki drugi način vlastitih ostvarenja značajnih za širu zajednicu,
- doprinošenje afirmaciji općine Vareš sportskim, kulturnim i drugim angažmanom i rezultatima,
- požrtvovno učestvovanje u spašavanju života i materijalnih dobara prilikom elementarnih nepogoda,
- ugled i visoke moralne vrijednosti.

b) za pravna lica:

- upošljavanje većeg broja radnika,
- ostvarenje značajne dobiti u poslovanju,
- vršenje znatnijih ulaganja u proširenje proizvodnih i drugih kapaciteta,
- davanje izuzetnog doprinosa u otklanjanju posljedica elementarnih nepogoda na području općine Vareš,
- postizanje poslovnih uspjeha na nivou međunarodnih standarda,
- najmanje pet godina postojanja i kontinuiranog djelovanja,
- renome uzornog pravnog lica.

Povelja o proglašenju počasnim građaninom/građankom Općine Vareš može se dodijeliti pojedincima iz Bosne i Hercegovine ili inozemstva (državnicima ili zvaničnicima drugih država, članovima međunarodnih organizacija odnosno organizacija drugih država ili njihovih organa) koji su posebno zaslužni za:

- jačanje ugleda Općine Vareš u zemlji i inozemstvu,
- razvoj općine Vareš ili njenih pojedinih javnih djelatnosti,
- promicanje vrijednosti demokratskog društva,
- njegovanje tradicije.

POSTUPAK DODJELE OPĆINSKIH PRIZNANJA

Prijedlog za dodjelu općinskih priznanja dostavlja se Komisiji za statutarna pitanja i propise, poštom ili putem šaltera za prijem podnesaka, **najkasnije do 30. juna/lipnja 2012. godine.**

Prijedlog treba sadržavati:

- **ime, prezime i adresu pojedinca, odnosno naziv i adresu pravnog lica koji se predlažu za dodjelu općinskog priznanja,**
- **naziv općinskog priznanja za koje se prijedlog podnosi,**
- **obrazloženje prijedloga za dodjelu općinskog priznanja.**

Uz prijedlog se mora priložiti odgovarajuća dokumentacija (objavljeni radovi, analize, prikazi, stručne kritike i ocjene, takmičarski rezultati i sl.) kojom se potvrđuju navodi iz prijedloga.

Nepotpuni prijedlozi neće se uzeti u razmatranje.

Uz saglasnost podnosioca prijedloga, Komisija za statutarna pitanja i propise može promijeniti vrstu priznanja za koje se kandidat predlaže.

Komisija za statutarna pitanja i propise utvrđuje prijedlog odluke za dodjelu priznanja pojedincima i pravnim licima i dostavlja je Općinskom vijeću Vareš na odlučivanje.

Komisija za statutarna pitanja i propise može, uz odgovarajuće obrazloženje, predložiti Općinskom vijeću Vareš da se neko od priznanja ne dodijeli.

Općinska priznanja dodjeljuju se na svečanoj sjednici Općinskog vijeća Vareš povodom 16. augusta/kolovoza, Dana općine Vareš.

**KOMISIJA ZA STATUTARNA
PITANJA I PROPISE**